



# Bakgraon Infomeisen

## Blong Ol Tablet blong ol Studen (TFS) Program:

**Blong givem elektronik tablets long olgeta skul pikinini mo olgeta tijas blong usum olsem wan tool blong saptom edukasen process mo akses long infomeisen.**

Wan program blong Gavman blong Vanuatu i setap blong provaedem fand blong ol tablet kompiuta long ol skul blong oli yusum long ol klasrum mo ol laebrari, etc. Ol tablet ia oli openem ol niu aveniu mo opotuniti long edukeisen, bae oli save yusum intanet mo bae oli asistim ol studen mo ol skul long lokol kontent kriaisen.

Sipos yu wandem save moa abaot fanding asistens blong ol tablet kompiuta, [plis luk long flaea we i ataj](#). (Wan tablet hemi wan flat smol komputa we hemi wok taem we yu tatchem skrin.)

DFAT tru long Australia-Vanuatu Governance for Growth (GFG) Program nao hemi fandem program ia. Ofis blong Jif Infomeisen Ofisa blong Gavman (OJIOG) long Ofis blong Praem Minista nao hemi provaedem polisi gaedens. Telekomunikeisen mo Radiokomunikeisen Reguleita (TRR) nao bae hemi implimentem program ia.

Program ia hemi wan paelot program mo i gat lukluk blong oli distributim samples long 1000 tablet long 15 o moa skul.

Bae oli no provaedem eni moa fanding afta long fesfala grant ia.

Anda long Tablet blong ol Studen Program, pablik mo ol vokeisonol skul long Vanuatu oli save aplae long hem mo wan skul i save risivim kasem 60 tablet. Hemi impoten blong notem se [bae i nogat eni moa fanding](#) afta we bae oli provaedem fesfala grant ia. Bae i nid blong Skul mo ol tija oli mekem ol impoten samting ia blong mekem se projekt i wok:

- Setemap wan skul komiti we i aktiv, i tekpat mo i glad blong wok blong mekem se projek blong ol Tablet blong ol Studen bae hemi wok gud. Hed blong komiti ia mo/o prinsipol blong skul bae i nid blong saenem wan kontrakt blong pruvum se oli kasem asistens mo komitim olgeta long projekt.
- Faenem mo jusum 1-3 tija blong lukluk long projekt ia. Bae ol tija nao oli eksplenem yus blong ol tablet ia long ol klasrum. Wan inpoten rikwaemen hemi blong gat ol edukeita we oli rili wantem mo redi blong yusum ol tablet ia.
- Raisem fand blong mekemsua se skul i mitim ol minimum rikwaemen blong seleksen (luk andanit ia).
- Mas aktiv blong divelopem ol lesen materioli, edukeisonol program mo traem ol niu wei blong tijing insaed long klasrum.
- Yusum ol tablet blong krietem lokol kontent long ol lokol langwis mo Bislama.
- Provaedem voluntia o pem ol staff blong monitarem mo manajem ol tablet we ol studen oli yusum.
- Provaedem stret mo sef storej blong ol tablet we oli no yusum.
- Ripotem oltaem progres blong projekt long TRR, wanem hemi wok mo wanem hemi no wok mo evaluateitem ol saksas mo felia blong implimenteisen.

Wanem we oli listim daon ia hemi ol [minimum rikwaemen](#) we skul blong yu i nid blong mitim blong hemi eligibol blong aplae from grant ia mo save risivim ol tablet we bae i kam long Tablet blong Skul Program. Sipos skul blong yu i no mitim ol rikwaemen ia naoia, bae yu mas advaesem mifala long komitmen blong yu blong mekem hemia. Yu mas provaedem ol ditel plan/pruv long wanwan long ol samting ia:

- Akses long inaf paoa poen mo taem blong jajem ol tablet wan taem long wan dei. Wan tablet we i flat (no batri) bae i tekem 2 kasem 3 haoa blong jaj.

- Sef ples blong storem ol tablet we oli no yusum mo hemi sef tu long ol elemen ia (ren, salt spre, humiditi, hot, ect...)
- Wan kompiuta long lokol netwok we oli jusum mo wok blong hem hemi blong hostem ol edukeisonol kontent blong ol tablet we oli yusum.

Sipos yu rili intres long Tablet blong Studen Program blong skul mo klasrum blong yu, plis fulumap fom daon ia mo sendem i go long TRR long kontakt infomeisen ia, bifo **4:00 pm** long **Fraedei 18 July 2014**.

Grant Riviu Komiti, UAP  
 Telekomunikeisen & Radiokomunikeisen Reguleita  
 P.O. Box 3547  
 Port Vila, Vanuatu  
 Tel: 27621 Faks: 27440 Imel: [almawensi@trr.vu](mailto:almawensi@trr.vu)

Aplikeisen riviu proses blong ol grant ia bae hemi olsem:

1. Bae oli evaluetem ol proposol folem kwaliti mo sakses blong olgeta
2. Bae oli askem long ol 15 o so saksesful apliken we oli kasem hae reit blong oli tokbaot mo negosieitem wan faenol plan mo saenem wan kontrakt we i kavremap projek ia
3. Bae oli givim ol awod mo bae eksekusen stej bae hemi stat
4. Ol aplikeisen we oli no saksesful olgeta bae oli kipim olgeta long fael in kes i gat moa fand bae i availebol long fiuja.

Blong statem proses, plis fulumap TFS Aplikeisen form.

**SKORING**

TRR, OJIOG mo GFG bae oli rivium gud olgeta proposol ia blong selektem ol skul/komuniti we bae oli askem long olgeta blong submitim ol ful aplikeisen. Skoring bae hemi yusum ol kraeteria ia (be ol kraeteria i save jens be hemi dipen long ol ansa):

Level blong komitmen we ol skul mo ol staf memba oli soem:	15%
Llevel blong komitmen we ol tija jampion oli soem:	25%
Wilingnes blong mitim mo bitim ol rikwaemen blong skul wetem wetem fan we oli kolektem lokoli:	15%
Janis blong gat long tem, sastenebol sakses mo mentenens plan:	15%
Akses blong ol staf we oli kasem trening long saed blong long komputa, paoa mo opereisen:	15%
Soem intres blong developem lokol edukeisonol mo kaljurol content long ol lokol langwis mo Bislama:	15%
<b>Total</b>	<b>100%</b>

Antap long hem, oli save riviium ol aplikeisen folem distribusen blong olgeta long ol aelan mo distribusen folem hae, medium mo low level blong difficulti blong alowem ekwal akses blong opotuniti ia mo blong mekemsua se i gat wan hae level blong sakses.

Mifala i enkarejem evri kaen skul blong aplae inkludim : Ol Kindagaden, Praemeri, Sekendri, Vokeisonal skul o Rural Treining Senta. Oli stap lukluk blong jusum sam paelot skul long ol veri rimoted eria, sam long ol remote eria mo sam long ol eria we oli no stap longwei tumas long ol taon.

Yu save kontaktem TRR blong oli helpem yu wetem ol kwesten mo komen long fom ia bifo dedlaen .

# Ol Tablet blong ol Klasrum

Yus blong Tablet long klasrum hemi wan niu tingting raon long wol mo i nogat "raet"wei blong mekem hemia. Blong helpem yu long grant aplikeisen blong yu, mifala i pripearem smol dokumen ia blong helpem yu blong statem kreativiti long klasrum blong yu wetem tablet.

## Wanem nao hemi ol tablet?

Tingting blong karem ol note buk mo text buk i go long klas bae i finis ino long taem naoia we ol klasrum long wol oli stap yusum ol tablet blong ol studen long eli level nomo. Wan "Tablet Komputa" long taem ia hemi wan mobael komputa wetem evri samting insaed long wan slab o slate. Tingting long hem olsem wan laptop be skrin blong hem nomo. Skrin ia oli save tatchem olsem wan moden smartphone insted blong gat wan maos mo kibod. Insaed long evri tablet i gat skrin, bateri, prosesa mo WIFI insaed long wan singel yunit mo plante long ol tablet oli gat tu ol samting olsem kamera, acceleromita mo maekrofon.

## Ol tablet oli gud long wanem insaed long klasrum?

Long plante pipol, ol tablet oli olsem ol pleiplei mo nating moa be hemia I NO TRU. Ol tablet oli windo we insaed i gat bigfala koleksen blong infomeisen mo blong lanem samting. Hemia samfala wei we oli bin yusum ol tablet long ol narafala kaontri blong help long saed blong edukeisen:

- E-Text Buk: Katem weight blong karem ol text buk mo storem olgeta long wan tablet komputa.
- Langwis Praktis Apps: Ran tru virtuol flash kad mo ol studen oli identifiaem stret ol toktok. Oli save sendem isi nomo ol skoring i go long ol tablet blong ol tija blong oli makem.
- 1-2-3 step Math: Ol Apps blong lanem Maths oli helpful blong helpem ol studen blong solvem plante difren problem blong math mo givim sam hint long nekis step sipos ol studen oli faenem i had.
- Onlaen Lesen Materiol: Oli save yusum ol up-to-deit risos long klasrum, from se nid blong riplessem kwiktaem ol textbuk mo ol encyclopedia we oli sas hemi go daon.

## Wanem nao hemi wan App? Yu save mekem blong yu wan?

Wan "App" hemi moden shorthand blong toktok ia "Softwea Aplikeisen". Oli save pem mo daonlodem long wan samting ia we oli kolek wan "App Store" mo plante oli fri nomo blong yusum. Olsem softwea blong eni platfom, eniwan i save raetem App. Wanem we hemi nidim hemi stret softwei developmen kit (SDK) mo will blong mekem. Mifala i ekspektem olgeta we oli aplae from grant ia blong oli soem intres blong developem ol spesel program blong ol skul blong olgeta.

## Wanem nao yumi wantem long aplikeisen blong yu mo long skul?

Rikwaemen we i inpoten bitim ol narawan hemi blong yu rili wantem tij wetem ol niufala teknoloji ia. Talem long mifala ol niu mo gudfala tingting blong yu blong yusum ol tablet long klasrum blong yu mo hao nao bae hemi helpem ol studen blong yu blong lan. Talem long mifala hao nao bae hemia i wok wetem ol lesen plan blong yu we i stap finis o givim sam niu aveniu, topik mo wei blong tijing. Givim tingting blong yu long hao nao bae skul blong yu i manejem ol risos ia. Moa tu, bae oli givim praeoriti long ol eria we oli gat WIFI nektwok finis o olgeta we oli wantem appreidem nektwok blong olgeta wetem mani we olgeta nomo oli raisem.

Tankgio mo gud lak.

